

Oqaluuserisassanut nassuiaat.

(Inatsisartut Siulittaasoqarfiat)

Ullumi imm. 7-itut oqaluuserisassatta pingajussaaneerseqarnissaanut Naalakkersuisut allannguutissatut siunnersuutinik amerlanerusunik nassiuusaqarnerannut atatillugu Inatsisartut Suleriaasianni § 41-p sanioqqunneqarnissaa siulittaasoqarfiup ullumi akueraa.

Suleriaatsitsinni § 41 ima oqaasertaqarpoq: Immikkorluinnaq pisoqartillugu piffissaliussat Inatsisartut Suleriaasianni matumani aalajangersakkat Inatsisartut Siulittaasoqarfiannit sanioqqunneqarsinnaapput.

Taamaalilluni aamma akuerineqarpoq oqaluuserisassani **imm. 7-imut**, 2014-imut aningaasanut inatsisissatut siunnersuummut, allannguutissatut siunnersuuteqartoqarnera.

Allannguutissatut siunnersuutit maanna agguaanneqarsimalerput, taamalu aamma suleriaatsimi § 34, imm. 4 aamma sanioqqunneqarluni.

Suleriaatsimi imm. 4 ima oqaasertaqarpoq: Siunnersuutip allannguutissatut siunnersuusiorfigineqartup Inatsisartuni oqaluuserineqarnissaa kingusinnerpaamik ullormik ataatsimik sioqqullugu allannguutissatut siunnersuut Inatsisartunut ilaasortanut agguaanneqareersimassaaq.

Piffissami ullumi novembarip 15-aniit 21-at ilanngullugu Inatsisartunut ilaasortat:

Anders Olsen, Siumut aamma Agathe Fontain, Inuit Ataqtigiit kiisalu ullumi ataatsimiinnermi,

Aqqaluaq B. Egede, Inuit Ataqtigiit aamma Doris Jakobsen, Siumut aamma Kalistat Lund, Inuit Ataqtigiit aamma Lars-Emil Johansen, Siumut taasisarnerit pillugit isumaqatigiissuteqarput.

